

Na osnovu člana 16. stav 4. Zakona o Vladi Zeničko-dobojskog kantona-Prečišćeni tekst („Službene novine Zeničko-dobojskog kantona“, broj:7/10), na prijedlog Ministarstva zdravstva, Vlada Zeničko-dobojskog kantona, na 72. sjedinici, održanoj 26.07.2012. godine, d o n o s i

## ZAKLJUČAK

### I

Prihvata se Informacija o problematici grijanja u Kantonalnom zavodu za medicinu rada Zenica.

### II

Radi rješavanja problematike navedene u Informaciji iz tačke I ovog zaključka, zadužuju se:

- Kantonalni zavod za medicinu rada Zenica da izvrši reviziju važećeg ugovora o isporuci toplotne energije i
- Kantonalna uprava za inspekcijske poslove da putem nadležnog inspektora izvrši reviziju snabdijevanja toplotnom energijom Kantonalnog zavoda za medicinu rada Zenica, te u roku od 15 dana izvijeste Vladu Zeničko-dobojskog kantona, o rezultatima izvršenog zaduženja.

### III

Zaključak stupa na snagu danom donošenja.

Broj: 02-\_\_\_\_\_/12.

Datum, 26.07.2012. godine

Z e n i c a

**PREMIJER**

*mr.sci.Fikret Plevljak dipl.ing.*

DOSTAVLJENO:

1x Ministarstvo zdravstva

Zeničko-dobojskog kantona,

1x Kantonalni zavod za medicinu rada Zenica (putem ministarstva),

1x Kantonalna uprava za inspekcijske poslove,

1x a/a.

## **INFORMACIJA O PROBLEMATICI GRIJANJA U KANTONALNOM ZAVODU ZA MEDICINU RADA**

Kantonalni zavod za medicinu rada se obratio Ministarstvu zdravstva dopisom broj: 1880 od 08.05.2012. godine kojim je pokrenuta inicijativa u cilju rješavanja problema zagrijavanja Kantonalnog zavoda za medicinu rada i Aneksa koji koristi Kantonalna bolnica u narednoj grejnoj sezoni. Obzirom na kratkoću vremena do početka grejne sezone, a i činjenicu da bi Kantonalni zavod za medicinu rada i dio objekta koji koristi Kantonalna bolnica mogao ostati bez napajanja toplotnom energijom, bitno je da Vladu Zeničko-dobojskog kantona upoznamo sa navedenom problematikom, a u cilju iznalaženja optimalnog rješenja.

U Budžetu Zeničko-dobojskog kantona za 2012. godinu na budžetskoj organizaciji 21-Ministarstvo zdravstva planirana sredstva na poziciji 6151-Kapitalni transferi drugim nivoima vlasti-za zdravstvo iznose 100.000,00 KM i namijenjena su za odobravanje sredstava zdravstvenim ustanovama za nabavku stalnih sredstava ili uvećanje vrijednosti postojećih stalnih sredstava zdravstvenih ustanova.

Zagrijavanje objekta Kantonalnog zavoda za medicinu rada i Aneksa tog objekta koji koristi Kantonalna bolnica vrši se na osnovu Ugovora sa kompanijom "Arcelor Mittal" Zenica, koji toplotnu energiju isporučuje direktno iz kompanije –destinacija na relaciji Carinski terminal— Tehnoprojekt-saobraćajnica na ulazu u Zenicu.

U prethodnom periodu bili su evidentni gubici pare (isparavanje je vidno uz semafor na saobraćajnici i dvorištu Kantonalnog zavoda za medicinu rada). Zbog kvarova na semaforu u par navrata situacija je snimana i od strane Općinske inspekcije, što je rezultiralo nalogom za rješenje nastalog problema.

Rješenjem Kantonalne uprave za inspeksijske poslove Zeničko-dobojskog kantona naložena je sanacija vrelovoda koji snabdjeva toplotnom energijom Kantonalni zavod za medicinu rada.

**Bitno je napomenuti da predmetni vrelovod nije vlasništvo kompanije "Arcelor Mittal", kao ni vlasništvo Kantonalnog zavoda za medicinu rada, već doo Željezare Zenica.**

Kompanija "Arcelor Mittal" je dopisom od 04.05.2012. godine obavijestila Kantonalni zavod za medicinu rada da navedeni problem namjerava riješiti na način da će za isporuku toplotne energije u sezoni 2012/2013 mjerac isporuke toplotne energije biti instaliran neposredno uz zgradu Carinskog terminala –Tehnoprojekt, a da će mjerenje toplotne energije biti zbirno za Kantonalni zavod za medicinu rada i Kantonalnu bolnicu. Na taj način bi se mjerenje isporučene toplotne energije prenijelo iz objekta Kantonalnog zavoda za medicinu rada (Kantonalni zavod za medicinu rada je iz vlastitih sredstava u svom objektu instalirao mjerac toplotne energije), čime bi nastali gubici u zagrijavanju teretili troškove dvije zdravstvene ustanove.

Kantonalni zavod za medicinu rada je pokušao iznaći rješenje navedenog problema. Predstavnici kompanije "Arcelor Mittal" Zenica su u razgovorima naglasili da više neće snabdjevati toplotnom energijom Kantonalni zavod za medicinu rada, dok se sa nadležnim državnim organima ne prevaziđe ovaj problem.

Kantonalni zavod za medicinu rada je pokušao rješenje problema naći i u kontaktima sa predstavnicima JP Grijanje Zenica. JP Grijanje je po pitanju ove problematike obavijestilo Kantonalni zavod za medicinu rada da postojeće instalacije daljinskog grijanja na predmetnoj lokaciji ne posjeduju rezervu za priključenje većih objekata na sistem daljinskog grijanja bez

dotatnih investicionih ulaganja kojim bi bili stvoreni tehnički uslovi za priključenje. Prema dopisu JP Grijanje Zenica procijenjena vrijednost dodatnih investicionih ulaganja je prema njihovoj procjeni 343.264,00 KM (sa PDV-om).Ponovnim dopisom od 19.06.2012. godine JP Grijanje je obavijestilo Kantonalni zavod za medicinu rada da je, u cilju smanjjenja investicionih ulaganja, spremno da mašinske montažne radove izvede o svom trošku i da djelimično umanju taksu , tako da je korigovana procjena investicionih ulaganja za priključenje objekata 328.933,00 KM ( ukupno oprema, material, građevinski radovi, taksa), odnosno sa dodatnim umanjnjem od 10% 296.040,00 KM. Napominjemo da je procjena urađena po orijentacionim cijenama, obzirom da je za precizno određivanje troškova potrebno uraditi projekat i detaljan predmjer, a cijenom nisu obuhvaćeni bojleri za pripremu sanitarne tople vode, koji se ugrađuju u prostoriji toplotne podstanice, kao ni građevinski radovi i elektro radovi u prostoriji toplotnih podstanica.

Bitno je napomenuti da bi priključak objekta Kantonalnog zavoda za medicinu rada i Aneksa koji koristi Kantonalna bolnica Zenica na sistem daljinskog grijanja, pored troškova investicionog ulaganja uzrokovao i povećanje tekućih troškova grijanja. Prema podacima Kantonalnog zavoda za medicinu rada troškovi grijanja pri snabdijevanju toplotnom energijom od kompanije "Arcelor Mittal" Zenica za jednu grejnu sezonu (2010/2011) iznose 26.809,00 KM, odnosno 29.261,70 KM za grejnu sezonu 2011/2012, dok bi priključivanjem na sistem daljinskog grijanja JP Grijanje, navedeni troškovi za jednu grejnu sezonu iznosili 94.855,00 KM( procjena prema cijenovniku za pravna lica i postojećoj potrošnji).

Imajući u vidu navedeno, racionalnije rješenje je sanacija voda kojom bi se nastavilo snabdijevanje toplotnom energijom od kompanije "Arcelor Mittal".

Rekonstrukcija postojećeg vrelovoda od kapije IV Arcelor Mittala do toplotne podstanice u Zavodu za medicinu rada u dužini od 390m (mašinski radovi sa materijalom) bi iznosili cca 45.000,00 KM, dok bi građevinski radovi na sanaciji istog iznosili cca 60.000,00 KM.

U Budžetu Zeničko-dobojskog kantona za 2012. godinu kod budžetskog korisnika Ministarstvo zdravstva ne postoje srestva iz kojih bi se moglo finansirati saniranje vrelovoda, obzirom da je isti vlasništvo d.o.o. Željezara Zenica, a ne Kantonalnog zavoda za medicinu rada

Imajući u vidu značaj navedenog problema, kao i činjenicu da bi početkom grejne sezone objekat Kantonalnog zavoda za medicinu rada i Aneksa tog objekta koji koristi Kantonalna bolnica mogli ostati bez napajanja toplotnom energijom, smatramo neophodnim Vladu Zeničko-dobojskog kantona informisati o istom, kako bi se našlo rješenje.

U prilogu Informacije dostavljamo dopis Kantonalnog zavoda za medicine rada i JP Grijanja Zenica.

**Zenica, 10.07.2012. godine**

**MINISTRICA**

**Mr.med.sci.dr Senka Balorda**